



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciæ**

**Chyträus, Nathan**

**[Herborn], 1599**

**VD16 C 2803**

Venetiaë. In Venetias J. Cæs. Scaliger.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

JOANNIS ALEFELDII EQUITIS CIMBRI  
anno 1581. extincti.

Defunctus loquitur.

*Est hujus vita cursus labyrinthus, in ipsum  
Ex utero intra vi, morte vorante, abi.  
Erravi hic, quantum DEUS & mea fata volebant,  
Lustra q̄, transmissi quinq̄, dies q̄, decem.  
Nobilibus tribui studiis hæc tempora vita,  
Ut sic nobilior nobilis ipse forem.  
Nunc jaceo, patria longè tumulatus ab oris,  
Judicis expectans acta suprema DEI,  
Cimbrica me genuit tellus arctoa, sub austro  
Parthenope rapuit, Parthenope q̄, tenet.  
Fratri cariss. Baltazar de Alefelt C. L. P.*



V E N E T I A E.

IN VENETIAS J. CÆS.  
SCALIGER.

*P*ER OIA barbaricis tellus OENOTRIA turmis  
Pertulit impositi pondera dira jugi.  
Ipsa suos flevit populares ROMA Quirites:  
Sensit & indomita noxia tela manus.  
Haud tulit hoc GENIUS: cujus fatalibus ausis  
Tutior in medio ROMA renata mari est.  
CLARA virum virtus animo: insatiata cupido  
Imperii: vasta non numerantur opes.  
JUPPITER, haud temere tua sunt ita dis sita calo  
Mœnia. si possunt tangere, parte cares.

I N E A S D E M

SANNAZARIUS.

*Viderat Adriacis Venetam Neptunus in oris  
Stare urbem, & toto ponere jura mari:  
Non mihi Tarpejas, quantumvis Juppiter, arces  
Objice, & illa tui mœnia Martis, ait.*

*Si pelago Tybrin præfers; urbem aspice utramq;  
Illam homines, dices, hanc possuisse deos.*

INSCRIPTIONES VENETÆ.

AD MONIMENTUM SEPULCHRI SERVATORIS,  
quod simile perhibent Hierosolymitano.

*Hoc mirum spectetur opus compagibus auctum,  
Rupibus artificii saxa revulsa manu.  
Gens Mausoleum sileat vesana sepulcrum,  
Quod fuit & Domini Martia Roma tui.  
Illa duo congesta viris monumenta fuere;  
Hoc Christo tanta mole paratur opus.  
Quanto homini superum præstat rex summus & auctor,  
Tanto hoc est aliis clarius & melius.*

IN CRYPTA EJUSDEM.

*Qui jacet hic? rerum Dominus, cur mersus acerbo  
Funere? quò lectis gentibus astra daret.*

ARMAMENTARII VENETI.

Felix civitas, quæ tempore pacis de bello cogitas.

IN VESTIBULO TEMPLI D. MARCI, VITALIS  
Falerii Ducis Veneti xxxi. Epitaphium.

*Moribus insignis, titulis celeberrime dignis  
Cultor honestatis, dux omnimoda probitatis,  
In commune bonus, bona semper ad omnia pronus,  
Publica conservans, meliora bonis coacervans,  
Dum veterum gesta renovans, plus reddis honesta,  
Cunctaq; jucundè faciens das semper abundè,  
Ut fieret plenus quicumq; veniret egenus,  
Plus quoq; longinquos refovens, quam carne propinquos,  
Vita fuit cujus patria tremor hostibus hujus,  
Reddens tranquillos, hos lingua, viribus illos,  
Cujus erat scire populos pro pace subire,  
In quocunq; fores expendia sive labores  
Decretis legum muniens : : : : regum,  
Ut fieres horum Rex, & corrector eorum,  
Fama super cedros cujus dedit ire Faledros,  
Christi natalis peragis dum festa Vitalis,  
Duceris ad funus, factus dolor omnibus unus.*

IN DIVI MARCI AEDIS VESTIBULO BAR-  
thol. Gradonici Ducis LII.

*Moribus insignis, recti basis, indole clarus,  
Clarius & meritis, patrii servator honoris,  
Clauditur hoc tumulo, Gradenigus Bartholomaeus,  
Dux fuit is Venetum, quarto defunctus in anno.*

IN VESTIBULO DIVI GEORGII.

*Terror Graecorum jacet hic, & laus Venetorum,  
Dominicus Michaël, quem tenet Hemanuel.  
Dux probus & fortis, quem totus adhuc colit orbis,  
Prudens consilio, summus & ingenio.  
Istius acta viri declarat captio Tyri,  
Interitus Syria mœror & Hungaria.  
Qui fecit Venetos in pace manere quietos.  
Donec enim vivit, patria tuta fuit.  
Quisquis ad hoc pulcrum venies spectare sepulcrum,  
Cernuus ante Deum flectere propter eum.*

Anno Domini M. C. XXVIII. Indictione VII.  
obiit Dominicus Michaël Dux Venetiæ.

*Ibidem*

SEBASTIANI ZIANI DUCIS VENETI  
XXXVIII.

*Hic dux egregius, sapiens, dives, cinerescit,  
Vivit cum Christo, mundo sua fama nitescit,  
Sebastianus vocitatus in orbe Zianus,  
Cum Papa, Princeps, Clerus, plebs hunc recolebant.  
Justus, purus, castus, mitis, cuiq; placebat,  
Consilio pollens, bona plantans, & mala tollens,  
Robur amicorum, patria lux, spes miserorum,  
Et flos cunctorum, Dux ejectus Venetorum,  
Binos conjunxit gladios, & more refulsit,  
Eloquium, sensus, bonitas, clementia census  
Isti parebant, nulla virtute carebat.*

Obiit anno Domini M. C. LXXVIII.  
mense Aprili.

IN

VENETA.

93

IN GEMELLORUM ÆDE.

LAURENTII TEPU LI DUCIS XLV.

Quos natura pares studiis, virtutibus, arte,  
Edidit illustres, genitor natusq; sepulti  
Hac sub rupe Duces Venetum, clarissima proles  
Teupula, collatis dedit hos celebranda triumphis.  
Omnia presentis donavit pradia templi.  
Dux Jacobus valido fixit moderamine leges  
Orbis, & ingratum redimens certamine Iadram,  
Dalmatiosq; dedit patria post Marte subactos.  
Grazorum pelago macularvit sanguine classes,  
Suscipit oblatos Princeps Laurentius Istros,  
Et domuit rigidos ingenti strage cadentes  
Bononia populos, huic subdita Servia cessit.  
Fundavere vias pacis, fortiq; relicta  
Re, superos sacris petierunt mentibus ambo.

Dominus Jacobus obiit M. CC. LI.

D. Laurentius obiit M. CC. LXXVIII.

Ibidem.

JO. DANDULI DUCIS XLVII.

Dandalei generis magna virtute Joannem  
Hac brevis illustrem continet urna Ducem:  
Claruit in magnis ejus sapientia rebus,  
Quem monstraverunt ardua facta probum.  
Consilio pollens, sensu maturus, acutus,  
Ingenio prudens, eloquioq; potens.  
Pra cunctis patriam summo dilexit amore,  
Illius ad regimen providus atq; vigil.  
Anni dum Christi currebant mille ducenti,  
Octoginta novem, spiritus astra petit,  
Qui defunctorum fruitur suffragio luce  
Decedens mundo consociatur eis.

Ibidem

MICHAELIS MAUROCENI DUCIS LX.

Inclita vitalis Michaël, quem duxit in auras  
Maurocena domus Venetum Dux, civibus ingens  
Spes erat, alta parans, intercipit ardua fatum

*Cœpta Ducis, virtute potens, fuit ensis acutus  
Justitia, heu moriens patria per secula luctus,  
Qua cinis est jacet hic, mens gaudet, fama coruscat.*

M. C C C. LXXXII. die XVI. Octob. fuit sepultus, ducavit mens. I V. d. V.

*Ibidem*

ANTONII VENERII DUCIS LXI.

*Quisquis ad insignem tumulum tua lumina flectis,  
Ingentem, cujus cineres hac marmora servant,  
Contemplare Ducem, Princeps hic ille per omnem  
Venerius fama volitans Antonius orbem,  
Qui tribus hanc urbem lustris, totidemq; per annos  
Rexerat, æternis muniens ea tempora factis.  
Travissina sua castella & mœnia matri  
Reddita, Dyrrhachium Corcyraq; & oppida forti  
Plurima parta manu, pœnas sibi sumpsit ab illo  
Quem genuit, nomen metuit dum perdere justis.  
Ipsius ut clarum micuit clementia sydus,  
Reddidit Ungarica Regina sceptrum suorum  
Rapta dolis, ne triste jugum Furlane subires,  
Obstitit: Italicam pacavit multa per oram  
Turbida: post terris abiens sese intulit astris,  
Mille quadringentis Christi cedentibus annis,  
Instat atra dies vigesima trina Novembris.*

*Ibidem*

PASCALIS MARIPETRI DUC. LXV.

Paschalis Maripetrus P. maximis Reip. Senatoribus bonitate & eloquentia semper par, religionis ac rerum usu nulli secundus, & cum iis laudibus in civitate excelleret, in locum Francisci Foscaris, adhuc viventis, a patribus susceptus, quod antea domi debilitatum erat, sua autoritate in pristinum statum divinitus restituit. Vixit in Princip. annos IIII. menses VI. dies VI. Obiit M. CD. LXI.

*Ibidem*

PETRI MOCENICI DUCIS LXIX.

*Ex hostium manubiis.*

Petro Mocenigo, Leonhardi F. omnibus non minus optimi

optimi quàm eloquentissimi Senatoris muneribus domi forisq; functo, maris Imperatori: qui Asiã á faucibus Hellesponti usq; in Syriam ferro igniq; vastatã, Caramannis regibus, Venetorum sociis, ab Othomanno oppressis, regno restituto, piratis undiq; sublatis, Cypro á conjuratis non minori celeritate quàm prudentia recepta, Scodra ductu & auspiciis suis obsidione liberata; cum Rempub. feliciter gessisset; absens D. Marci procurator, inde Dux, grato patrum consensu, creatus est. Joannes tertius ab hoc Dux, & Nicolaus Mocenigi fratres pientissimi B. M. D.

Vixit annos LXX. mens. I. dies XX. Obiit non sine summo populi gemitu, Ducatus sui anno primo, mense secundo, die decimaquinta. Anno salutis M. CCCC. LXXVI.

*Ibidem*

JOAN. MOCENICI DUCIS LXXI.

Dux Joannes Mocenigus, Thomæ patrui, & Petri fratris Ducum secutus vestigia, bellum Ferrariense invitus gessit, & Rodigii peninsulam adjecit Imperio, pacem coluit, Remp. Venetam administravit justitia, probitate & prudentia, Dux opt. & amantiss. Reip. habitus est.

L. F. P.

Obiit Anno M. CD. LXXXV. Vixit annos LXXVI. Dux annos VII. menses VI.

*Ibidem*

THOMAE MOCENICI DUCIS LXIII.

*Hac brevis illustri Moceniga ab origine Thomam  
Magnanimum tenet urna Ducem, gravis iste, modestus,  
Justitia princepsq; fuit, decus ipse Senatus  
Æternos Venetum titulos super astra locavit.  
Hic Teucrum tumidam delevit in aquore classem,  
Oppida Tarvisi, Ceneta, Feltriq; redemit,  
Ungaricam domuit rabiem, patriamq; subegit,  
Inde Forijulli, Catarum, Spalatumq; Tragunam,  
Æquora piratis patefecit clausa peremptis,  
Digna polum subiit patriis mens fessa triumphis.*

## I B I D E M.

Nicolao Ursino, Nolæ Petilianiq; Principi longé clarissimo, Senensium, Florentini populi, Sixti, Innocentii, Alexandri Pontif. Max. Ferdinandi Alphonsiq; junioris Reg. Neapolit. Imperat. felicissimo, Venetæ demum Reipublicæ per xv. annos magnis clarissimisq; rebus gestis, novissimé á gravissima omnium obsidione Patavio conservato, virtutis ac fidei singularis, Senatus V. M. H. P. P. Obiit ætatis L. XVIII. M. D. IX.

## I N E O D E M F A N O.

Imperator, Ductor, eques, milesq;: Dionysii Naldi conduntur hîc ossa. Hîc juniorem Ferdinandum, regno á Gallis pulsum, restituit: Florent. repub. peditatui præf. pec. ornavit. Venetis dignitatem Imperii sustinuit, fide ac fortitudine incomparabili, inter alios Duces peditum præfectus, Patavium servavit. Moriens ex nimis vigiliis, hoc virtutis suæ perpetuum monumentum, clarissimo Lauredano Principe, ex amplissimi Senatus autoritate meruit. Obiit æt. anno XLV. Anno M. D. X.

## I B I D E M.

Leonhardum Pratum, militem fortissimum, & ex provocatione semper victorem, præfectum Ferdinandi junioris & Federici Regum Neapolitanorum, ob virtutem terrestribus navalibusq; præliis felicissimum, magnis clarissimisq; rebus pro Veneta Repub. gestis, pugnantem ab hoste cæsum, Leonhardus Lauredanus Princeps, & amplissimus ordo Senatorius, prudentiæ & fortitudinis ergó statua hac equestri donandum censuit.

I N M O N A S T E R I O F R A T R U M  
B. Francisci.

## F R A N C I S C I D A N D U L I D U C I S L I.

*Laudibus innumeris meritisq; parentibus iste  
Franciscus virtute nitens clarissima proles,  
Dandula quem genuit, patria venerabilis hujus  
Dux fuit illustris, qui libertatis amator*

Edomuis

Edomuit fastus tumidos, & vincla resolvit,  
 Marchia, qua dudum nimium quoque pressa jacebat,  
 Tervisina quidem vicinaque castra salinis  
 Attentata ruit, clarus dum rexit habenas,  
 Quaque decus terraque mari successibus auxit.  
 Hic Venetum patriam hosti magis esse timendam  
 Fecit: at undeno solis præsignis in anno  
 Decessit felix, domini tunc mille trecentos  
 Ter denosque novem Phœbus devolverat annos,  
 Luxque Novembris erat cunctis celeberrima Divis.

Ibidem

## MICHAELIS STENI DUCIS LXII.

Hic jacet armipotens Paulus de stirpe Sabellus,  
 Incolumi quo Roma parens gauderet alumno,  
 Hac sibi ad extremum statuebat semina prisca  
 Perdita virtutis, non hic Scipionibus impar,  
 Non Fabiis virtute fuit belloque domique.  
 Magnus erat vir Marte ferox, prudensque togatis  
 Consiliis: hic Appulia victricia campis  
 Agmina direxit Caroli sub nomine regis.  
 Et cum Dux Ligurum Galeatz, justissimus heros,  
 Crescit in Italia, multa cum laude sub illo  
 Hic tulit arma, acies stravit, terrasque subegit.  
 Postquam cum Veneti virtus animosa Senatus  
 Carrigeram delere domum cupit; obsidet urbem  
 Euganeam belli ductor, castrisque locatis  
 Ad Bassanellum, cum jam propere victor haberet  
 In manibus Patavum, melioris adaucta triumphis  
 Gaudia, peste suum est corpus rapiente vocatus,  
 Phœbus adorato Christi dum volvit ab ortu  
 Lustra ducenta unum & centum quater aureus annos,  
 Tertiaque Octobris lux infaustissima fulget.

Ibidem

## FRANC. FOSCARI DUC. LXIV.

Accipite cives Francisci Foscari vestri Ducis imaginem: Ingenio, memoria, eloquentia, adhuc justitia, fortitudine animi, si nihil amplius, certe summorum princi-

G

pum gloriam æmulari cõtendi: Pietati erga patriam inæ-  
 fatisfeci nunquam: Maxima bella pro vestra salute & di-  
 gnitate, terra mariq̃ue, per annos plus quàm triginta gef-  
 si; summa felicitate cõfeci: labantem suffulsi Italiae liber-  
 tatem: turbatores quietis compescui: Brixiam, Bergomũ,  
 Ravennã, Cremonam, imperio adjunxi vestro: omnibus  
 ornamentis patriam auxi: pace vobis parta, Italia in tran-  
 quillum sc̃edere redacta, post tot labores exhaustos, ætatis  
 anno 84, Ducatus quarto supra tricesimum, salutisq̃; M.  
 CCCC. LVII. Kal. Novemb. ad æternam requiem com-  
 migravi. Vos iustitiam & concordiam, quó sempiternum  
 hoc sit imperium, conservate.

Ibidem:

NICOL. THRONI DUCIS LXXVII.

Nicolaus Thronus, optimus civis, optimus Senator,  
 optimus Aristocratiae Princeps fuit. Quo felicissimo Du-  
 ce florentissima Venetorum Resp. Cyprum Imperio ascen-  
 dit, cum Rege Parthorum contra Turchum socia arma  
 conjunxit, fraudatam pecuniã viva illius effigie resigna-  
 vit. cujus innocentissimis manibus hanc meritam divini  
 operis molem Philippus filius perenni æternitate posuit.

Ibidem:

M. ANTONII TRIVISANI DUCIS  
 LXXIX.

Offa Marci Antonii Trivisani Principis. Vixit annos  
 LXXIX. in principatu I. M. D. LIV.

D. O. M.

Marcus Antonius Trivisanus P. integer vitæ, & pater-  
 na virtute ac gloria semper clarus, omnibus honoribus  
 egregie perfunctus, a patribus, invito ipsius genio, Prin-  
 ceptus cooptatus, cum annum Remp. sancte gubernasset,  
 religionis amantissimus, dum sacris in imaginum aula  
 interesset, nulla ægritudine flexis genibus, in gremio pa-  
 trum moriens migravit in cælum beatissimus. M. D. LVI.  
 Octobris.

IN BOMBARDA TRIUM FISTULARUM.

*Cerberus evomit at triplici de gutture flammam,  
Sulfura, sal, nitrum, fulmina, bella, globos.*

AD MICHAELIS.

*Lector parum subsiste: rem miram leges.  
Hic Eusebii Hispani monachi corpus situm est,  
Vir undecunq; qui fuit doctissimus:  
Nostræq; vita exemplar admirabile.  
Morbo laborans sedecim totas dies,  
Edens bibens nil prosum, & usq; suos monens,  
Deum adit, hoc scires volebam, abi & vale.*

Anno Domini M. D. I. X. Februar. ætatis  
suæ L. I. sacrae militiæ XVII.

A. COCCII SABELLICI TUMULUS.

*Quem non res hominum, non omnis ceperat ætas,  
Scribentem capit hac Coccion urna brevis.*

J O S A P H A T O

Scientiæ bonorum amico, vitiorum hosti acerrimo. qui  
eloquentiam verè Romanam bonasque artes Venerant  
juventutem per multos annos docuit; ac tandem pietate  
ac innocentia clarus, annum agens quintum & octoge-  
simum, ex nullo nisi senectutis & oculorum imbecillita-  
tis morbo infirmus, placidè cum familiaribus loquens,  
naturæ concessit: filii innocentissimi posuere.

AD ARAM PIETATIS.

Si quis Missam ad hoc altare fieri curabit, plenariam  
peccatorum remissionem consequetur. Si verò pro de-  
functi alicujus anima ad idem altare legatur missa; statim  
in ipso actu & celebratione missæ anima defuncti ex pur-  
gatorio in cælum ascendet & salvabitur.

Nihil certius.

PIERIO VALERIANO BOLZANIO

Bellunensi; ejus si negotia diu apud summos Pontifices  
curata noris; nihil eum unquam legere, nedum scribere  
potuisse dicas: sin quæ multa, tam docta scripserit, inspi-

cias; nulli hominum otia quietiora contigisse iudices. Joannes Cornelius Fantini patricii Veneti F. & fratres locum amico suo intimo unanimes concess.

## SEBASTIANI FOSCARINI.

Accipite Veneti cives, quod est optimum in rebus humanis, humanas res contemnere. Vixi Reipub. quamdiu potui: mihi certé parum: & hîc uno ictu extincto.

## ANTE PALATIUM DUCIS.

Henricus III. Galliae Rex, & I. Poloniae Christianiss. accepto de immatura Caroli IX. Galliae Regis fratris conjunctissimi morte tristi nuncio; e Polonia in patriam, ad incundum regnum hæreditarium properans, Venetias anno salutis M. D. LXXIII. XIII. Calend. August. accessit: atq; ab Aloysio Mocenigo Sermo. Venetorum Principe, & omnibus hujusce Reipub. ordinibus, non modò propter veteris amicitiae necessitudinem; verùm etiam ob singularem de ipsius eximia virtute atq; animi magnitudine opinionem, magnificentiss. post hominum memoriam apparatus, atq; alacri Italiae propè universae, summorumque Principum præsertim concursu, exceptus est. Ad cuius rei memoriam sempiternam, Senatus hoc monumentum fieri curavit, Arnaldo Ferrerio secretioris ejus consilii particeps: Regio apud Rempub. Legato id etiam postulante.

## AD CISTERNAM.

*Parcior è calo quum quis descenderit imber,  
Hic erit ingenti quod levet ora siti:  
Nec tantùm hoc hominum potuit solertia; verùm  
In medio dulces aquore servat aquas.*

## IN PALATIO CONSILII MAGNI.

Omnibus qui patriam conservarint, adjuverint, auxerint, certum est, esse in cælo definitum locum, ubi beati ævo sempiterno fruantur. quod quidem in terris fiat acceptius, quàm concilia cœtusq; hominum jure sociati, qui civitates appellantur, hac etiam in Rectores & conservatores cælo profecti illuc revertantur. Aversamini igitur vitia, colite virtutes; ad rectas opes animum sublevate; humi-

humiles preces in excelso porrigite. Magna vobis est, si dissimulare non velitis, necessitas inclytæ probitatis, cum ante oculos agitis Judicis cuncta cernentis.

## AD TRIBUNAL TRIUMVIRORUM

*rei aquaria.*

Venetorum urbs, divina disponente providentia, in aquis fundata, aquarum ambitu circumsepta, aquis promuro munitur. Quisquis ergo quomodocunque detrimentum aquis publicis inferre ausus fuerit; & patriæ hostis judicetur; nec minore plectatur poena, quam qui sanctos muros patriæ violasset. Hujus edicti jus ratum perpetuumque esto.

## IN SEBASTIANI.

Nicolaus Crassus forum primûm, navigationem deinde secutus, ab adversa fortuna fortunis omnibus spoliatus, ad forum iterum reversus, hunc postremó locum laborum omnium & miseriarum quietem sibi & post. P. M. D. LXIII.

## A L I U D.

Si invenire quenquam est ad unguem factum hominem, unus is fuit Antonius Colb. Noremburgensis, additus nulli, quicquid toto orbe funditur, uno pené in cubiculo coëgit, nihilque non egit, dum tandem egit animam. anno ætatis LXXI. m. VII. d. II. Salutis veró M. D. XLI. IIII. Novemb.

## IN AEDIBUS PHILOLOGIANIS.

Θῶμας Φιλόλογος ὁ ῥαβεννάτης, ὁ τῆς δικεμένης γυμνάσια βονωνίας, ῥώμης, πατακίε σοφία λαμπρῶτα, ἀνήγειρεν. ἔτει δὲ κλίσεως κόσμου ΖΞΒ.

Thomas Philologus Ravennas Physicus, ære honestis laboribus parto, ædcis primûm Paduæ virtuti; post has Senatus permissu pietati erigi fecit: illas animi, has etiam corporis monumenta.

Anno mundi VI M. DCC. LIIII.

Jesu Christi M. D. LIIII.

Urbis M. C. XXXIV.

G iij

VENETA.  
IN DIVI MARCI,  
Lancini Curtii.

*En virtutem mortis insciam,  
Vivet Lancinus Curtius  
Secula per omnia.  
Tantum possunt Camoena.*

---

ARCUM TRIUMPH. TITULI, QUIB.  
*excipiebatur Henr. III. Francia & Polonia  
Rex, à Senatu Veneto.*

TERVIGII.

Magnis auspiciis	Fort loing encores.
Meliori fortuna	Trop peu.
Bono eventu	Vn peu plus prés.

*Nec rerum metas, nec tempora pono.*

Fiant perpetui dies tui: & regnum tuum non accipiat  
alter.

VENETIIS ARCUI TRIUMPHALI AD LIO  
*anno 1574. in honorem regis Gallia & Polonia eó tum  
adventantis hac inscripta fuere:*

FORIS:

Henrico III. Franciæ atque Poloniæ Regi Christianiss. & invictiss. Christianæ religionis acerrimo propugnatori adveniendi: Venetiarum Resp. ad veteris benevolentia atque observantia declarationem.

A TERGO.

Henrico III. Franciæ atq; Poloniæ regi opt. atque fortiss. hospiti incomparabili: Venetor. Resp. ob ejus adventum feliciss.

PATAVII.

Condæum cum Admirallio & hæreticis Lutetiam obsidentem, & fidei dogmata rescindentem, Henricus cum rege fratre fugat, prostermit, vincit.

---

Ad Passachum, occupantibus & diripientibus Engolismum

lismum & Pictavios, hostibus occurrit Henricus: manus  
conferit: victor evadit: Condæus occumbit.

Henrico M. Franciæ Poloniæq; regi Christianiss. hæ-  
reticis fidei hostibus superatis: ob magnitudinem rerum  
gestarum: jussu ser. reip. Ven. Patavina civitas b. m. p.

Admirallium magnis viribus bellum restaurantem ad  
Moncontur, Henricus aggreditur parva manu: & adver-  
so casu equo excussus, mox humo sublatus, hostem vin-  
cit: cædit: urbem recipit.

Ne belli gloriam partam obscuret Henricus; Guisios  
& Admirallios contendentes, & sese cedentes, vetat com-  
prehendere.

Henrico Franciæ Ill. & Poloniæ regi: religionis vindi-  
ci: ser. reip. Ven. decreto Pat. civitas P. C.



## T A R V I S I I.

*Aurelii Augurelli imago est quam vides,  
Uni vacantis litterarum serio  
Studio, & jocosò, dispari cura tamen:  
Hoc, ut vegetior sic fieret ad seria:  
Illo, ut jocosus uteretur firmior.*

G iiij